

Parlamentario Dirk Dumfries di MEPta condena

Forma baho cu Rudy Lampe ta ataca Gabinete Oduber y traiciona nos pais!

ORANJESTAD - E ultimo dianan ta den discusion e peticion cu Parlamentario Brinkman di Partido PVV a haci siman pasa den Tweede Kamer na Hulanda. Caminda Staatssecretaris sra A. Bijleveld a dicidi pa invita Transparency Internacional pa investiga e aparato gubernamental y monitor e grado di corrupcion na Aruba. Gobierno di Hulanda kier sa con democracia ta funciona. Di parti di partido MEP nos kier a remarca lo siguiente.

Transparency Internacional ta un organizacion serio y respeta. Ta un bon cos pa nos mes bini cu ne y bini cu un investigacion completo. Manera e democratische déficit cu ta existi den Reino. Caminda ta investiga tambe Ministerio Publico specialmente pa loke ta e caso di Fondo Desaroyo Nobo San Nicolas caminda 13 sospechoso liga cu AVP ta involvi. Caminda e hoofdofficier Mos a sera deal cu abogado di e sospechosonan ariba beach banda di Moemba Beach, pa laga e 4 sospechoso principal liga cu AVP bay liber. Pa investiga con gobierno di Aruba mester a hiba un proveedor di celular mas di 60 bes dilanti mesa berde. Con e Heuz cu a trata e caso a bay hunga futbol cu e abogado. Con e Heuz y juga na un deal pa duna e permiso na e proveedor di celular na Aruba? Ta bon pa inclui den e investigacion di Transparency Internacional e rol di e poder economico na Aruba. Ta bon pa investiga e rol di sierto medio di comunicacion. Cu ta venena nos pueblo cu mal informacion, odio y venganza. Laga nan investiga Parlamentario Mike Eman cu ta doño di ATV y cu ta boicotea miembronan di MEP den su noticia ATV. Investiga con Mike Eman a yega na su ‘ Penthouse y pakiko e no kier paga e debe cu famia Emannan tin na ex Interbank. Abase di esaki Transparency Internacional lo haya un bon bista pasobra Heuz y PG ta wordo nombra door di Gobierno di Reino. Ta bon pa nos Statuut y rechtshandhaving. Ta bon pa nos landsaangelegenheden. Ta bon pa bisa cu articulo 43 di nos Statuut ta existi pa Reino ta responsable pa actua si cos bay malo y pa garantisa e derecho humano den cada pais den Reino. Mester muestra cu durante e periodo di Gabinete Eman na dos ocasion Gobierno di Reino Hulandes a pone un KB ariba cabez di Minister Watty Vos q.e.p.d. pasobra a kier a bay kita documentonan for di oficina di Veiligheidsdienst y ariba ex Minister Glembert Croes pasobra e tabata liga cu Mansurnan riba ordo di Henny Eman. Ademá Gabinete Eman III tabata durante e periodo di 1997- 2001 ariba e lista preto na Merca. Rapportnan a muestra cu labamento di placa, transporte di droga y tabata tin algun ambtenaar

corupto den servicio. Si pueblo Arubano mira awe unda Gabinete Oduber a haya nos pais na 2001, anto unda e ta awe, nos mester ta husto cu nos mes pa duna Gabinete Oduber e credito necesario cu e merece y tin derecho ariba dje. Partido AVP a laga un economia na werki na 2001 den un recesion, unda e economia no tabata creciendo, desde 2003 tur aña nos economia a keda crece. Instancianan manera IMF, Fitch Ratings y Standard en Poort. Danki na Gabinete Oduber cu nos pais ta den pleno progreso! Awe AVP y RED ta roga gobierno pa stop di inverti den nos pais, stop di laga e economia crece, core cu e inversionistanan y stop di crea cuponan di trabao. Como si fuera no ta basta dirigentenan di FTA ta pidi pa stop tur inversion, pasobra

tin demasiado proyecto y lo no tin trahador. Den cual pais na mundo un lider sindical por ta contra cu ta crea cuponan di trabao, esaki ta na Aruba so por! Si economia ta bay malo, AVP y RED lo ta critica severamente. Awor cu tin inversion rond Aruba y economia ta creciendo, tampoco no ta bon. Cu nos ta creando cuponan di trabao pa nos por yuda haña mas entrada, mas prima pa AOV, AWW y AZV, pa fortifica e fondonan aki tampoco no ta bon. Un inversionista estranhero ta inverti ora e pais tin leynan democratico, ora cos ta bay bon, ora tin estabilidad politico y un infraestructura bon desaroya. E hecho cu Parlamentario Rudy Lampe a manda carta pa Hulanda pa kita nos PG, kita nos Gobernador, kita nos Status aparte y pone Aruba

bek den un Antias di 6 isla. Ta un acto di traición. Esmas Rudy Lampe y Armand Hessel di RED a manda rapportnan y información falso pa Hulanda pasobra nan ta contra e proyecto pa muda e haf di container di Oranjestad pa Barcadera. A entrega denuncia falso na Ministerio Publico. Un acto baho y irresponsabel. Pasobra nan kier mancha nomber di Aruba, asina yudando e Partido PVV di Geert Wilders y Brinkman di Hulanda pa tin ehempel den nan fan pa ofende nos gobierno, pueblo y pais. Partido MEP lo defende te final contra tur esnan cu ta kere di mal usa nan poder. Hecho ta cu RED a ricibi un suma di casi 32 mil florin a ricibi door di recaudacion di fondo bendiendo, bolo, cuminda, BBQ? Un di e ehempelnan veridico ta cu ora

un di e sponsernan di RED, a tende cu Parlamentario Lampe ta contra e benta di Bestuurskantoor, mesora e sponser a yamanan y formalmente a hala nan atencion? Pa sorpresa e kier un construcción nobo na San Nicolas? Ta kende boso ta kere di tuma haci? Awor ata partido CDA ta paga Mike Eman y AVP placa pa core campania pa CDA na Aruba pa eleccion di Parlamento Europeo. Un corrupcion di optima forma cu placa di e pueblo Hulandes. Esaki ta wak e splitter pero no e balki den boso wowo! De facto un partido democratico cu ta genera fondonan, mayoria bes ta wordo utiliza pa financia e proceso electoral, paga gasto operacional di e Sede y no pa cumpra hende pa nan registra y depuse bay voto! Loke RED, AVP y CDA ta hacienda con bo ta yame?